

Риёзус солиҳийн шарҳи / Ҳаё ва унинг фазилати ҳамда у билан хулқланишга одатланмоққа тарғиб қилиш ҳақида / 1299-ҳадис

1299 - وَعَنْ لَقِيطِ بْنِ عَامِرٍ رَضِيَ اللَّهُ عَنْهُ: أَنَّهُ أَتَى النَّبِيَّ صَلَّى اللَّهُ عَلَيْهِ وَسَلَّمَ فَقَالَ: إِنَّ أَبِي شَيْخٌ كَبِيرٌ لَا يَسْتَطِيعُ الْحَجَّ، وَلَا الْعُمْرَةَ، وَلَا الظَّعْنَ؟ قَالَ: «حُجَّ عَنْ أَبِيكَ وَاعْتَمِرْ» رَوَاهُ أَبُو دَاوُدَ، وَالتِّرْمِذِيُّ وَقَالَ: حَدِيثٌ حَسَنٌ صَحِيحٌ [د 1810، ت 930].

1299. Лақийт ибн Омир розияллоху анҳудан ривоят қилинади:

«Бу киши Набий соллаллоху алайҳи васаллам ҳузурларига келиб: «Отам кексайиб қолган, ҳажга ҳам, умрага ҳам, сафарга ҳам қодир эмас», деди. «Отангнинг номидан ҳаж ва умра қил», дедилар».

Абу Довуд ва Термизий ривояти. Термизий ҳасан, саҳиҳ, дедилар.

Шарҳ: Ушбу ривоятларни эътиборга олган жумҳури уламолар умра фарздир, деганлар. Абу ҳанифа раҳматуллоҳи алайҳи эса, мандуб, деганлар. У киши қуйидаги ҳадиси шарифни далил қилганлар.

Жобир розияллоху анҳудан ривоят қилинади:

«Набий соллаллоху алайҳи васалламдан умра ҳақида: «У вожибми?» деб сўралди. «Йўқ. Умра қилмоғингиз афзал», дедилар». (Термизий, Аҳмад ва Байҳақийлар ривоят қилишган).

Манба: hadis.islom.uz



